



DRUŠTVO SOCIJALNIH RADNIKA

ZENIČKO-DOBOJSKI KANTON, ZENICA ul. Čakana Mulalića br. 5, telefon 032/402-748; fax: 032/404-948
ID broj: 4218477470009; TNR: 1340100000210610 - IK Banka Zenica

PREČIŠĆENI TEKST

STATUT UDRUŽENJA GRAĐANA – „DRUŠTVO SOCIJALNIH RADNIKA ZENIČKO- DOBOJSKOG KANTONA“ ZENICA

Zenica, 26.3.2018. godine

Na osnovu člana 14. Zakona o udruživanju i fondacijama („Službene novine FBiH“, broj 45/2) Osnivačka skupština Udruženja građana „Društvo socijalnih radnika Zeničko-dobojskog Kantona“ donijela je na na sjednici održanoj dana 17.02.2005. godine u Zenici, te izmjene i dopune Statuta na sjednici održanoj dana 26.03.2018. godine,

STATUT
UDRUŽENJA GRAĐANA – „DRUŠTVO SOCIJALNIH RADNIKA ZENIČKO-DOBOJSKOG KANTONA“ ZENICA

I – OPĆE ODREDBE

Član 1.

Ovim Statutom utvrđuje se: naziv, sjedište i područje na kojem udruženje djeluje, djelatnost udruženja, svrha i programski ciljevi udruženja, uslovi i način učlanjenja u udruženje i prestanak članstva, kao i prava, dužnosti i odgovornosti članova udruženja, upravne organizacije udruženja, način njihovog izbora, uslovi i način opoziva, trajanje mandata, način odlučivanja i odgovornost, način sticanja, korištenja i raspolaganja sredstvima udruženja, način donošenja statuta, izmjena i dopuna statuta, pečat, zastupanje i predstavljanje Udruženja, i uređuju druga pitanja od značaja za rad Udruženja.

Član 2.

Udruženje građana – „Društvo socijalnih radnika Zeničko-dobojskog Kantona“, u daljem tekstu Udruženje građana – Društvo, je stručna i dobrovoljna i samostalna organizacija čiji je osnovni cilj unapređenje djelatnosti socijalne zaštite.

Udruženje građana - „Društvo socijalnih radnika Zeničko-dobojskog Kantona“, utvrđuje i koordinira aktivnosti i pitanja od opšteg društvenog interesa sa ostalim subjektivnim snagama. Udruženje građana – Društvo, saraduje sa svim društvenim subjektima i humanitarnim organizacijama radi ostvarivanja svojih ciljeva i zadataka i unapređenje socijalnog rada i socijalne politike.

Ostvaruje saradnju sa preduzećima, stručnim i naučnim institucijama za što uspješnije i potpunije ostvarivanje postavljenih ciljeva i zadataka.

Član 3.

Udruženje radi i djeluje pod nazivom: UDRUŽENJE GRAĐANA – DRUŠTVO SOCIJALNIH RADNIKA ZENIČKO-DOBOJSKOG KANTONA, skraćeni naziv UG „Socijalnih radnika“

Član 4.

Sjedište udruženja je u Zenici, Aska Borića 28a. Udruženje djeluje na području Zeničko-dobojskog Kantona.

Član 5.

Pečat društva je okruglog oblika, na kojem piše: **UDRUŽENJE GRAĐANA – „DRUŠTVO SOCIJALNIH RADNIKA ZENIČKO – DOBOJSKOG KANTONA“**, a tekst je ispisan latinicom.

II – DJELATNOSTI

Član 6.

Udruženje građana – društvo podstiče i koordinira aktivnost svojih članova na ostvarivanju zajedničkih ciljeva i zadataka u skladu sa Ustavom i Zakonom o udruživanju građana, te drugih zakonskih propisa.

U ostvarivanju ciljeva i zadataka iz stava 1. Ovog člana Udruženje – Društvo naročito radi na:

1. Razmatranju pitanja iz oblasti socijalne politike, socijalne zaštite, organizacijama rada u oblasti socijalne zaštite i doprinosi razvijanju i unapređenju ovih djelatnosti;
2. Upoznavanju svojih članova i javnosti sa mjerama socijalne politike i sa ulogom i značajem pojedinih socijalnih službi;
3. Razvijanju i unapređenju metoda socijalnog rada;
4. Pružanju i unapređenju pitanja koja su od interesa za socijalne radnike i njihov materijalni položaj;
5. Izgrađivanju i unapređenju sistema školovanja i stručnog usavršavanja socijalnog rada
6. Doprinosu afirmacije profesionalnog socijalnog rada
7. Njegovanju i razvijanju društvene norme, morala i profesionalne etike socijalnog rada;
8. Učestvuje u razmatranju dokumenata od značaja za društveno-ekonomski i socijalni položaj i daje svoj stručni doprinos njegovom donošenju i afirmaciji socijalne politike i socijalnog rada;
9. Organizuje Skupštine, savjetovanja, predavanja, seminare, diskusione sastanke, razmjenu iskustava i studijska putovanja socijalnih radnika i drugo;
10. Formira stručne sekcije i komisije radi razmatranja pitanja iz oblasti socijalne politike i socijalnog rada;
11. Organizuje razmjenu mišljenja i iskustava rada sa Udruženjem građana-društva socijalnih radnika iz drugih kantona i zemalja;
12. Polazeći od svoje uloge i zadataka, razvija socijalno-humanitarne aktivnosti na bazi odgovarajućih programa, afirmiše socijalni rad i aktivnosti u oblasti socijalne zaštite;

Preduzima i druge mjere koje se pokazuju potrebnim radi izvršavanja programskih zadataka Udruženja građana – Društva i Saveza društava BiH i Federacije BiH.

III – UVJETI I NAČIN UČLANJENJA U UDRUŽENJE I PRESTANAK ČLANSTVA, KAO PRAVA, DUŽNOSTI I ODGOVORNOSTI ČLANSTVA

Član 7.

Članovi Udruženja građana – Društva su socijalni radnici i diplomirani soc. radnici, a mogu biti i druga lica koja se bave ili neposredno rade na poslovima iz oblasti socijalne zaštite. Članovi Udruženja Građana - Društva plaćaju članarinu u visini koju utvrdi Skupština društva.

Međusobni odnosi članova Udruženja građana Društva zasnivaju se na demokratskom dogovaranju i sporazumijevanju o svim bitnim pitanjima od opšteg i zajedničkog interesa.

Član 8.

Članovi Udruženja građana – Društva mogu biti:

- Aktivni članovi
- Počasni članovi
- Pomažući članovi

Aktivni članovi Udruženja građana – Društva može postati svako lice koje ispunjava uslove iz člana 7. Ovog Statuta.

Počasni članovi Udruženja građana – Društva mogu biti lica koja se naročito istaknu u svom radu na planu razvoja i unapređenja djelatnosti soc. zaštite i soc. rada o čemu odlučuje Skupština Udruženja građana – Društva.

Pomažući članovi Udruženja građana – društva mogu biti lica koja su na bilo koji društveno prihvatljiv način pomogla Udruženju građana – Društvo, o čemu takođe odlučuje Skupština Udruženja građana – Društva.

Član 9.

Članovima Udruženja građana – Društva izdaju se članske legitimacije sa naznakom kakvo svojstvo ima u Udruženju građana – Društvu, a u skladu s članom 8. Statuta.

Član 10.

Osnovna prava članova Udruženja građana – Društva su:

- Da učestvuju u radu Udruženja građana – Društva;
- Da samostalno i dobrovoljno odlučuju o udruživanju u Udruženje građana – Društva

- Da sprovode ciljeve i zadatke Udruženja građana – Društva koje proizilaze iz ovog Statuta; odluka zaključaka i drugih akata, te da se zalažu za afirmaciju poziva soc. radnika, pridržavajući se normi profesionalne etike;
- Da plaćaju članarinu Udruženju građana – Društvu;
- Da budu birani u organe Udruženja građana - Društva i Saveza društva BiH i Federacije BiH;
- Da preko svojih delegata bira organe Saveza društva BiH i Federacije BiH;
- Da međusobno dogovaraju i usaglašavaju stavove po svim pitanjima iz oblasti rada udruženja građana Društva;
- Da učestvuju u akcijama koje organizuju Udruženje građana – Društva i druge obaveze utvrđene ovim Statutom

Član 11.

Članstvo u Udruženju građana – Društvu prestaje: istupanjem, isključenjem, brisanjem sa evidencije i smrću.

Prestanak članstva istupanjem nastaje, kad član izjavi da ne želi biti član Udruženja građana – Društva.

Prestanak članstva isključenjem prestaje kad to zbog povrede ovog Statuta i kodeksa profesionalne etike socijalnog radnika, po određenom postupku odluči Skupština Udruženja građana – Društva.

Prestanak članstva brisanjem s evidencije nastaje kada je član Udruženja građana – Društva neaktivan i kada iz opravdanih razloga ne plaća članarinu duže od godinu dana.

Isključeni član Udruženja građana – Društva ima pravo žalbe Skupštini Saveza društva BiH.

IV – ORGANI UDRUŽENJA GRAĐANA DRUŠTVA

Član 12.

Organe udruženja građana društva čine:

- Skupština
- Upravni odbor
- Nadzorni odbor

V – SKUPŠTINA UDRUŽENJA GRAĐANA

Član 13.

Skupština Udruženja građana – Društva je najviši organ udruženja građana – društva.

Skupštinu Udruženja građana Društva čine svi članovi Udruženja građana društva, a najmanje 30 članova.

Skupština bira Upravni odbor, predsjednika Skupštine udruženja građana – društva i Nadzorni odbor.

Skupštinom predsjedava predsjedavajući koji se bira na sjednici.

Član 14.

U Skupštini Saveza društva socijalnih radnika BiH i Federacije BiH bira se određen broj delegata.

Mandat izabranih delegata u Skupštini traje četiri godine.

Član 15.

Sjednice Skupštine održavaju se prema potrebi, a najmanje jedanput godišnje.

Sjednice Skupštine saziva predsjednik po vlastitoj inicijativi, na prijedlog upravnog odbora, na zahtjev najmanje jedne trećine članova Udruženja građana – Društva i Nadzornog odbora.

Član 16.

Svaki član Skupštine ima pravo da pokreće razmatranje pitanja iz djelokruga rada Udruženja građana – Društva i da traži odgovore na pitanja od strane Udruženja građana – Društva.

Kolektivni rad organa Udruženja građana – Društva obezbjeđuje se na način, što organi Udruženja građana – Društva rade i odlučuju isključivo u sjednicama kojima obavezno prisustvuju najmanje nadpolovična većina članova.

Odluke organa Udruženja građana – Društva su punovažne ako se za njih izjasnila nadpolovična većina prisutnih članova.

O radu Skupštine vodi se zapisnik u koji se obavezno unose: broj prisutnih članova, imena diskutanta, prijedlozi članstva i gostiju te zaključci Skupštine, a potpisuje ga zapisničar i predsjednik – predsjedavajući.

Član 17.

Skupština Udruženja građana – Društva vrši sljedeće poslove:

- Donosi Statu Udruženja građana – društva i odlučuje o izmjenama i dopunama istog;

- Vršiti izbor članova Upravnog odbora, predsjednika i Nadzorni odbor. Izbor se vrši javnim glasanjem – aklamacijom;
- Razmatra djelatnost Udruženja građana – društva za protekli period;
- Utvrđuje smjernice Udruženja građana – društva i donosi program rada;
- Raspravlja i odlučuje po svim prijedlozima i zahtjevima upućenim Udruženju građana – društvu;
- Bira delegate za Savez društava BiH I Federacije BiH;
- Donosi godišnji predračun prihoda i rashoda i usvaja završni račun; Izvršava odluke, usmjerava Udruženja građana – društva neposredno ili preko Upravnog odbora;
- Razmatra aktivnosti delegata i njihov rad u Savezu;
- Donosi odluke o udruživanju u Savez društava i druga udruženja; Utvrđuje visinu članarine;
- Donosi poslovnik o radu Skupštine i Upravnog odbora;
- Donosi kodeks profesionalne etike socijalnih radnika Udruženja građana – Društva;

Član 18.

U odsutnosti predsjednika kolegijalnog organa Udruženja građana – društva, Skupštinu saziva i njome rukovodi zamjenik predsjednika ili jedan od članova Upravnog odbora koga odredi predsjednik.

Način rada Skupštine se utvrđuje njenim Poslovnikom o radu.

VI – UPRAVNI ODBOR UDRUŽENJA GRAĐANA DRUŠTVA

Član 19.

Upravni odbor Udruženja građana – Društva je kolektivni organ (izvršni), kojeg bira Skupština iz redova svog članstva.

Upravni odbor čine stalni i pridruženi članovi. Upravni odbor broji 5 stalnih članova. Pridružene članove Upravnog odbora čine pomoćnik ministra Ministarstva za rad, socijalnu politiku i izbjeglice Ze-Do kantona i svi direktori javnih ustanova socijalne zaštite na području Ze-Do kantona.

Mandat Upravnog odbora traje 4 godine. Predsjednik Upravnog odbora građana – Društva je sa mandatom od 4 godine, s tim da isto lice može biti birano još jedan mandatni period.

Predsjednik obavlja funkcije amaterski:

Upravni odbor svoje poslove i zadatke vrši kolektivno u okviru nadležnosti utvrđenih ovim Statutom i Poslovnikom o radu Upravnog odbora, te na bazi smjernica i zaključaka Skupštine.

Način rada, donošenje odluka i zaključaka kao i druga pitanja od interesa za rad Upravnog odbora, potpunije se regulišu Poslovníkom o radu.

Upravni odbor vrši sljedeće poslove:

- Bira sekretara Udruženja građana – Društva;
- Bira blagajnika Udruženja;
- Sekretar i blagajnik Udruženja građana – Društva su članovi Upravnog odbora, funkciju obavljaju amaterski, a mandat im traje 4 godine;
- Sprovodi stavove i zaključke Skupštine
- Prati i analizira stanje, probleme i pojave u oblasti socijalne politike, socijalnog rada i socijalne zaštite;
- Pospješuje i inicira sistematski rad na stručnom usavršavanju i osposobljavanju svojih članova;
- Predlaže odgovarajuće mjere i akcije za unapređenje socijalne politike, socijalnog rada te angažuje članstvo u realizaciji svojih stavova
- Pokreće određene mjere i aktivnosti, predlaže sagledavanje i praćenje, izučavanje istih koji su od interesa za socijalnu politiku;
- Njeguje i razvija društvene norme, profesionalnu etiku socijalnog rada i lika socijalnog radnika;
neposredno organizuje i rukovodi rad Udruženja građana – Društva u skladu sa Statutom, odlukama i smjernicama;
- Formira stalne i odvojene sekcije, grupe i radna tijela za pojedina pitanja iz djelokruga rada Udruženja građana – Društva;
- Daje smjernice za rad formiranih tijela i sekcija;
- Izvršava i druge poslove koji su povjereni Skupštini

Upravni odbor se sastaje po potrebi ili utvrđenom programu. Sjednice Upravnog odbora saziva i njima rukovodi Predsjednik a u njegovoj odsutnosti ili spriječenosti, sekretar ili član Upravnog odbora kojeg on ovlasti.

Predsjednik je dužan sazvati sjednicu Upravnog odbora kada to zatraži više od polovine članova Upravnog odbora.

Upravni odbor je dužno Skupštini Udruženja građana – društva svake godine podnositi izvještaj o radu.

VII – NADZORNI ODBOR

Član 20.

Nadzorni odbor prati i nadzire cjelokupno materijalno i finansijsko poslovanje odnosno pravilnost i urednost istog, te vodi računa o sprovođenju finansijskog plana, programa, odluka i zaključaka Skupštine koji se odnose na namjensko trošenje sredstava.

Nadzorni organ najmanje jednom godišnje vrši pregled materijalno – finansijskog poslovanja o čemu podnosi izvještaj Skupštini građana – Društva.

Nadzorni odbor broji 3 člana a bira ga Skupština Udruženja građana – Društva i za svoj rad je odgovoran Skupštini.

VIII – JAVNOST RADA UDRUŽENJA GRAĐANA DRUŠTVA

Član 21.

Rad Udruženja GRAĐANA – Društva i njegovih organa je javan.

Upravni odbor Udruženja građana – Društva je dužno da na pogodan način obavijesti javnost na području na kome djeluje o najvažnijim pitanjima iz rada Udruženja građana – Društva.

Član 22.

Javnost rada Udruženja građana – Društva ogleda se u sljedećem:

- Informisanju članova Udruženja građana – Društva neposredno ili preko delegata o svim značajnim pitanjima iz svog djelokruga;
- Pribavljaju mišljenja od svih članova o svim bitnim pitanjima o kojima odlučuju organi Udruženja građana – društva;
- Obezbjedenju uslova da sredstva javnog informisanja prate rad Udruženja i o tome obavještavaju javnost

IX – SREDSTVA UDRUŽENJA GRAĐANA – DRUŠTVA

Član 23.

Finansijsko poslovanje Udruženja građana – Društva obavlja se na osnovu godišnjeg predračuna prihoda i rashoda koje donosi Skupština.

Finansijska sredstva za rad Udruženja obezbjeđuju se od:

- Prihoda članarine
- Od sponzorstva kroz određene programe i akcije
- Iz drugih izvora u skladu sa Zakonom i Statutom
- Vođenje finansijskih poslova obavlja se po važećim propisima

X – ADMINISTRATIVNI I TEHNIČKI POSLOVI

Član 24.

Za obavljanje administrativnih, tehničkih i finansijskih poslova odgovoran je Upravni odbor Udruženja. Upravni odbor u tu svrhu može angažovati stručna lica uz odgovarajuću novčanu naknadu.

Član 25.

Predsjednik upravnog odbora je naredbodavac za izvršenje finansijskog plana i organizator obavljanja tehničkih, administrativnih i finansijskih poslova.

XI – PRESTANAK RADA UDRUŽENJA GRAĐANA – DRUŠTVA

Član 26.

Udruženje građana – Društva prestaje sa radom ako se steknu uslovi predviđeni članom 33. i 35. Zakona ili ako Skupština tako odluči.

Sa imovinom koja ostaje poslije eventualnog prestanka rada Udruženja građana – Društva, postupiće se na način koji odredi Skupština.

Član 27.

Udruženje zastupa i predstavlja predsjednik Društva i predsjednik Skupštine Udruženja Društva socijalnih radnika Ze-Do kantona.

Član 28.

Ovaj Statut stupa na snagu danom usvajanja od strane Skupštine Udruženja građana – Društva, a primjenivati će se od dana upisa Udruženja u registar udruženja građana kod Ministarstva pravde Zeničko – dobojskog kantona.

Predsjednik

UG „Društvo socijalnih radnika
Zeničko – dobojskog kantona“ Zenica
Mirnes Telalović

Predsjedavajuća Skupštine
Aida Zerdo

Broj:03-12/18

Zenica, 26.3.2018. godine